

p. 65 line 3【菩薩徐徐授寶衣】《觀經定善義傳通記》卷第一：「問：生彼國者由本願故。應法妙服自然在身。何授寶衣？又菩薩者。何菩薩乎？答：自然衣上令著上服。此賞新生菩薩故也。言菩薩者。法事讚云。法侶將衣競來著。禮讚云。觀音勢至與衣被。明知菩薩法侶是二菩薩也。」

p. 66 line 2【八種清風】智顛《觀無量壽佛經疏》卷1：「八種清風者。彼處實無時節。若寄此八。謂除上下。餘四方四維。故云八。」(T37,p.191,c29-p.192,a2)《觀無量壽佛經疏妙宗鈔》卷3：「疏。實無時節等者。大本云。彼無四時。不寒不熱及無日月。常有光明。寄於此土四方四維有八種風。故亦順此。對有八風。然彼八風不同此土。令物生長及以衰落。但鼓自然之樂。演乎妙法之音耳。」(X22,p.306,b7-10)

p. 66 line 3【四倒四真】【四倒】四種顛倒之妄見也。此有二種：一於生死之無常無樂無我無淨，而執常樂我淨，為凡夫四倒。一於涅槃之常樂我淨，而執無常無樂無我無淨，為二乘四倒。初云有為之四倒，後云無為之四倒。斷有為之四倒為二乘，斷有無為之八倒為菩薩。見大乘義章五末。【四真諦】又云四聖諦。苦集滅道之四諦也。其理真正，故云真諦，為聖者之所見，故云聖諦。涅槃經十五曰：「我昔與汝等，不見四真諦，是故又流轉生死大苦海。若能見四諦，則得斷生死。」～《佛學大辭典》

p. 66 line 4【讚云】《往生禮讚偈》卷1：「南無至心歸命禮西方阿彌陀佛。安樂國清淨，常轉無垢輪；一念及一時，利益諸群生。願共諸眾生，生安樂國。南無至心歸命禮西方阿彌陀佛。讚佛諸功德，無有分別心；能令速滿足，功德大寶海。願共諸眾生，往生安樂國。」(T47,p.443,c28-p.444,a6)

菩薩之四種莊嚴者：(一)不動本處遍至十方供養化生莊嚴，(二)一念一時遍至佛會利益群生莊嚴，(三)一切世界讚嘆諸佛莊嚴，(四)無三寶處示法莊嚴也。～《佛學大辭典》

p. 66 line 6【廣明水觀】《觀經定善義傳通記》卷第一：「問：當觀之中具想寶地。何故唯結云水想耶？答：水冰地三是轉觀故。總屬水觀。更捨水

冰。獨觀寶地。齊此名為寶地觀也。故知三種莊嚴。兩觀通用。置於一處顯兩邊也。若不爾者。結文難會。……問：見琉璃地下，正觀寶地，何屬水觀？故玄義云。日想。水想。冰想等。是其假依。從琉璃地下。是其真依。答：玄文約義。剋體而論。水假地真故。今文約行。修觀行者合觀水地故。問：今所觀地與第三觀復有何別？答：相帶水冰想寶地者。從初屬水。第三觀地不想水冰。直觀寶地。獨屬地觀。故知見琉璃下，義兼兩向。上說下略。只云此想成時。重顯寶地（此義為正。是相傳義）。」

p. 66 line -3【結前生後】《觀經定善義傳通記》卷第一：「言此想者。指琉璃地三種莊嚴也。問：準自餘觀。總指前觀以為結前。更不殘文。而水觀具觀水冰地。故此想者總可指上水冰地三？答：上說水冰琉璃相已。然後結云『此想成已』。今亦說三種莊嚴已。然後結云『此想成時』。故知今文但結寶地三種境也。又此想者。總指前觀。但上文言此想成者。別約假觀。今此想者。總指三境。所言成者。思想分成。非言正受觀成。此乃雖思惟分成。猶不及地觀粗見。況了了見乎。」

p. 67 line 1【唯除睡時】《觀經定善義傳通記》卷第一：「有本云唯除食時。今依睡本。有道理故。」元照《觀無量壽佛經義疏》卷2：「除食時者。開暫間也。有依別本改為睡時。尋諸古本並作食時。且凡人睡時。任運自息。豈待除耶。或云大小兩乘各有食觀。故此除之。此局道眾。亦非通論。今謂餘諸觀法不擇時處。此觀聖境。理合虔恭。對食起想。義乖尊敬故。觀佛三昧經觀像法云。想念成已。唯除食時、除便轉時。一切時中恒見佛像等。斯為明據。不須改作。」(T37,p.292,b18-26)《觀經定善義傳通記》卷第一：「此義何通？答：凡夫行人欲得三昧。何故自廢忘觀想乎。但任運自息者。為言睡外常恒憶想。說除睡時有何過乎。又棄食欲。佛觀志切。還是敬愛之極。何乖虔恭。又觀佛經大聖對機開遮隨時。何必一同。又觀佛經明坐佛前觀佛像故。不許飲食不淨等時。今經廣明入出時。心影像遠浮極樂境故。不強論身淨不淨也。」

p. 67 line -4~-1【清淨覺經云】《佛說無量清淨平等覺經》卷4：「佛

言：「其有善男子、善女人聞無量清淨佛聲，慈心歡喜，一時踊躍，心意清淨，衣毛為起拔出者，皆前世宿命作佛道——若他方佛故，菩薩、非凡人。其有人民——男子、女人——聞無量清淨佛聲，不信有佛者、不信佛經語、不信有比丘僧、心中狐疑都無所信者，皆故從惡道中來，生愚蒙不解宿命，殃惡未盡、未當得度脫，故心中狐疑不信向耳。」」
(T12,p.299,b25-c4)

夏蓮居《會集本》〈獨留此經第四十五〉：「若有眾生得聞佛聲，慈心清淨，踊躍歡喜，衣毛為起，或淚出者，皆由前世曾作佛道，故非凡人。若聞佛號，心中狐疑，於佛經語都無所信，皆從惡道中來。宿殃未盡，未當度脫，故心狐疑，不信向耳。」

p.68 line 3【有漏多劫罪】

- p. 66:-5 『除八十億劫生死之罪』（第三觀），
- p. 77:6 『五萬億劫生死之罪』（第七觀），
- p. 82:-5 『無量億劫生死之罪』（第八觀），
- p. 122:-6 『五十億劫生死之罪』（下上品），
- p. 124:-1 『八十億劫生死之罪』（下中品），
- p. 126:8 『念念中除八十億劫生死之罪』（下上品）。

p.68 line 3【因觀無漏除有漏多劫罪】《觀經定善義傳通記》卷第一：

「惡業依止虛妄之心。依於虛妄境界而造。觀法依止無上信心。依佛真實功德而修。一虛一實。故觀地法滅多罪也。具如論註。」

曇鸞《無量壽經優婆提舍願生偈註》卷1：「問曰：業道經言。業道如秤。重者先牽。如觀無量壽經言。有人造五逆十惡具諸不善。應墮惡道。經歷多劫受無量苦。臨命終時。遇善知識教稱南無無量壽佛。如是至心。令聲不絕具足十念。便得往生安樂淨土。即入大乘正定之聚。畢竟不退。與三塗諸苦永隔。先牽之義於理如何？又曠劫已來備造諸行。有漏之法繫屬三界。但以十念念阿彌陀佛便出三界。繫業之義復欲云何？答曰。汝謂五逆十惡繫業等為重。以下下品人十念為輕。應為罪所牽先墮地獄繫在三界者。今當以義校量輕重之義。在心、在緣、在決定。不在時節

久近多少也。云何**在心**？彼造罪人自依止虛妄顛倒見生。此十念者。依善知識方便安慰聞實相法生。一實一虛。豈得相比。譬如千歲闇室光若暫至即便明朗。豈得言闇在室千歲而不去耶。是名在心。云何**在緣**？彼造罪人。自依止妄想心、依煩惱虛妄果報眾生。此十念者依止無上信心、依阿彌陀如來方便莊嚴真實清淨無量功德名號生。……云何**在決定**？彼造罪人依止有後心、有間心生。此十念者依止無後心、無間心生。是名決定。校量三義。十念者重。重者先牽能出三有。兩經一義耳。」

(T40, p.834, b13-c12)

p. 68 line 4【**雖得往生含華未出**】《傳通記》：「此舉疑心往生之失。以勸地觀無疑之得。問：往生之人必具信心。若起疑心何生淨土？故禮讚云。若少一心即不得生。答：經論多明疑心往生。今釋依彼。此乃眾生機類萬品。雖疑猶生。所謂此人或時懷疑。或時生信。暫信不信。心不決定。彌陀願力最強盛故。攝暫信因。以作強緣。致使往生。」「問：胎生與三輩。為同為異？答：彼此不同。所以然者。三輩。信者往生。以經說云。其有至心願生彼國凡有三輩故。胎生。疑者往生。以經說云。此人宿世無有智慧。疑惑所致故。三輩生佛前。胎生處邊地。故今釋云或生邊界或墮宮胎。言邊界者。簡其佛前。言墮宮者。對其昇進。既云邊墮。知非所期。況復三輩所勸。胎生所嫌。二文水火。不可一同。故略論云。又有一種往生安樂不入三輩中。謂以疑惑心修諸功德。」

p. 68 line 4【**大悲菩薩、開華三昧**】《觀經定善義傳通記》卷第一：「大悲菩薩者。觀世音也。開華三昧者。菩薩威神有開華德。從德立名。故云開華。…又由觀自在菩薩加持。離垢清淨等同聖者。…有云。菩薩濟度眾生皆是首楞嚴定之作用也。彼定施用而應含華之眾生故。從德立名。此乃首楞嚴定異名。…觀音以楞嚴用。而破二十五有含華之闇。名入開華三昧。」

p. 68 line 7【**辯觀邪正**】『前日觀已說』，請見本書 p. 61：4 + p. 63：-2，p. 82：-6，經文：「令與脩多羅合。若不合者。名為妄想。若與合者。名為麤想見極樂世界。是為像想。名第八觀。」